

26 января 2014 года.

Неделя 31 по Пятидесятнице, после Богоявления. Попрáзднство Богоявления. Глас 6.
Мучеников Ерми́ла и Стратони́ка.

ВСЕНО́ЩНОЕ БДÉНИЕ. КАНО́Н:

ПЕСНЬ 1:

КАНО́Н ВОСКРЕ́СНЫЙ, ГЛАС 6:

Ирмо́с: **Я́ко по су́ху, пешешествовав Изра́иль/ по бездне стопа́ми,/ гонителя́ фара́она/ ви́дя потопля́ема,/ Бо́гу/ победную́ песнь// по́йм, вопия́ше.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Распросте́ртыма длáньма на кресте́,/ оте́ческаго испо́лнил еси́ благоволе́ния, благи́й Иису́се, вся́ческая.// Те́мже победную́ песнь Тебе́ вси по́йм.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Стра́хом к Тебе́, я́ко рабы́ня, смерть/ повеле́на приступи́ Влады́це животá,// то́ю подаю́щему нам безконече́нный живо́т и воскресе́ние.**

Припев: **Пресвята́я Богоро́дице, спаси́ нас.**

Богоро́дичен: **Своего́ прие́мши Соте́теля, я́ко Сам восхоте́,/ от безсе́меннаго Твоего́ чре́ва, па́че ума́ воплоща́ема, Чи́стая,// тва́рей вои́стинну яви́лася еси́, Влады́чица.**

КАНО́Н БОГОРО́ДИЦЫ ВОСКРЕ́СНЫЙ, ГЛАС 4:

Припев: **Пресвята́я Богоро́дице, спаси́ нас.**

Тропа́рь: **Прича́щшися Ё́ва саду́, преслуша́ннаго бра́шна, кля́тву введе́:/ но сию́ разреши́ла еси́, Чи́стая,// благослове́ния нача́ток Христа́ ро́ждши.**

Припев: **Пресвята́я Богоро́дице, спаси́ нас.**

Тропа́рь: **Я́же би́сера от божестве́нных мо́лнии Христа́ ро́ждши,/ страсте́й мо́их мглу, и прегреше́ний смуще́ние, Чи́стая,// разжени́ све́том Твоея́ све́тлости.**

КАНО́Н БОГОЯВЛЕ́НИЯ, ГЛАС 2:

Припе́в: **Сла́ва Тебе́, Бо́же наш, сла́ва Тебе́.**

Тропа́рь: **У́тру явльшуся челове́ком светонóсну/ ны́не из пусты́ни, к вода́м Иорда́нским преклони́л еси́, Царю́ со́лнца, Твою́ вью́,/ ли́ка мра́чна родонача́льника исхитити,// скве́рны же вся́кия очисти́ти тварь. *(Два́жды)***

Припе́в: **Сла́ва Тебе́, Бо́же наш, сла́ва Тебе́.**

Тропа́рь: **Безнача́льне, струя́м спогрeбшася Тебе́, Сло́ве,/ но́ваго преводи́ши, ист-**

лѣвшаго лѣстию,/ Сего́ несказáнно от Отца́ приѣм глас держáвен:// Сей возлюбленный, рáвен же Мне О́трок естество́м. *(Два́жды)*

КАНО́Н МУ́ЧЕНИКОВ ЕРМÍЛА И СТРАТОНÍКА, ГЛАС 8:

Припев: **Святíи му́ченицы, моли́те Бо́га о нас.**

Тропа́рь: **Честны́я я́коже звѣзды Богоси́янныя,/ твѣрди, му́дрии, Цѣркве яви́стеся, // озаря́юще ны Божѣственными светлостью́ми, му́ченицы.**

Припев: **Святíи Богоотцы́, моли́те Бо́га о нас.**

Тропа́рь: **Яви́стеся, я́коже у́глие мýсленное, возжжений огнѣм Дýха, сла́внии, // и и́дольское огни́ще струя́ми кровѣй угаси́сте.**

Сла́ва Отцу́, и Сы́ну, и Свято́му Дýху.

Тропа́рь: **Вода́ми потопля́еми Христа́ ра́ди, в вода́х на́ше нечѣстие погру́зившаго, // безбо́жия ре́ки, му́ченицы, изсуши́сте.**

И ны́не и прѣсно и во ве́ки веко́в, ами́нь.

Богороди́чен: **Уста́ви моя́ грехо́вныя пото́ки, / я́же сме́ртную тлю Рождество́м Твои́м увяди́вши, // и умилѣние ми да́ждь, Богороди́тельнице Всенепоро́чная.**

КАТАВА́СИЯ БОГОЯВЛѢ́НИЯ, ГЛАС 2:

Глубины́ откры́л есть дно / и су́шею Сво́я влечѣт, / в ней покрыв́ противны́я, / крѣпкий во бранѣх Госпо́дь, // я́ко просла́вися.

ПЕСНЬ 3:

КАНО́Н ВОСКРЕ́СНЫЙ, ГЛАС 6:

Ирмо́с: **Несть свят, / я́коже Ты, Го́споди Бо́же мой, / вознеси́й рог ве́рных Твои́х, Бла́же, / и утверди́вый нас на ка́мени // исповѣдания Твоего́.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Бо́га распина́ема плóтию зря́щи тварь, растаява́шеся стра́хом: // но содержи́тельною длáнию нас ра́ди Распя́таго, крѣпко держи́ма бе.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Сме́ртию смерть разорѣна лежи́т ока́янная без дыха́ния: / Живота́ бо не терпя́щи божѣственного прира́жения, // умерщвля́ется крѣпкий, и да́руется всем воскресе́ние.**

Припев: **Пресвята́я Богороди́це, спаси́ нас.**

Богороди́чен: **Божѣственного рожества́ Твоего́, Чи́стая, / вся́кий естества́ чин превосхо́дит чу́до: / Бо́га бо преестѣственне зачала́ еси́ во чре́ве, // и ро́ждши пребыва́еши прѣсно Де́ва.**

КАНОН БОГОРОДИЦЫ ВОСКРЕСНЫЙ, ГЛАС 4:

Припев: Пресвятая Богородице, спаси нас.

Тропарь: Тленную мою плоть и смертную, Всечистая Богомати, / из чрева Твоего несказанно прием Благий, // и обезтленив сию, вечно Себе связал есть.

Припев: Пресвятая Богородице, спаси нас.

Тропарь: Бога воплощаемая из Тебе зряще, Дево, / ужасохуся страхом лица ангельстии, // и яко Матерь Божию немолчными песнями Тя почитают.

КАНОН БОГОЯВЛЕНИЯ, ГЛАС 2:

Припев: Слава Тебе, Боже наш, слава Тебе.

Тропарь: Умерщвление первее насадивый твари, / зверя злодейственного вообразясь в естество, / омрачается плотским пришествием: // утру явльшуся, приразився Владыце сокрушити свою враждебную главу. *(Дважды)*

Припев: Слава Тебе, Боже наш, слава Тебе.

Тропарь: Влечет к себе Богозданное естество, утробы мучителя, погребенное пределы; / раждается паки земнородных Обновление, / дело державно совершая Владыка: // прииде бо, тое очистити хотя. *(Дважды)*

КАНОН МУЧЕНИКОВ ЕРМИЛА И СТРАТОНИКА, ГЛАС 8:

Припев: Святии мученицы, молитесь Бога о нас.

Тропарь: Текущих непостоятельное возненавидевше, / будущих возжелаете негненное наслаждение, // доблии страдальцы Христа Всецаря.

Припев: Святии Богоотцы, молитесь Бога о нас.

Тропарь: Мужески противистесь, Богомудрии, пребеззаконно повелевающему нечестию покоритися // и победы с Небес приясте венцы.

Слава Отцу, и Сыну, и Святому Духу.

Тропарь: Требища прелести низложите, / нечестны же Христовы мученицы, себэ воздвигосте храмы честны // и столпы Богоразумия.

И ныне и присно и во веки веков, аминь.

Богородичен: Оружие, прежде обращаемо, входы мне дает, стыдящися прободшаго, Дево Мати, копия, из Тебе рожденного.

КАТАВАСИЯ БОГОЯВЛЕНИЯ, ГЛАС 2:

Крепость дай царем нашим Господь / и рог помазанных Своих возносяй / от Девы раждается, грядет же ко Крещению. / Тому, вернии, возопием: // несть свят, яко Бог наш.

ЕКТЕНИЯ МАЛАЯ...

КОНДАК БОГОЯВЛЕНИЯ, ГЛАС 4:

Явился еси днесь вселенней,/ и свет Твой, Господи, знаменася на нас,/ в разуме поющих Тя:/ пришел еси и явился еси, // Свет Неприступный.

ИКОС:

Галилеи язычестей, Завулонстей странé и Неффалимстей земли,/ якоже рече пророк, Свет велик возсия, Христос./ Омраченным светла явися Заря, из Вифлеема облистаяющая,/ паче же из Марии Господь, всей вселенней возсиявает лучи Солнце правды./ Темже, иже от Адама назии, придите вси, облечемся в Него, да согреемся,/ покрывает бо нагия и просвещает темныя. // Пришел еси и явился еси, Свет Неприступный.

СЕДАЛЕН МУЧЕНИКОВ, ГЛАС 1:

В водах купно блаженный конец приясте, мудрии,/ и в них велиара погруживше благодатию Бога нашего, мученицы,/ темже венцы, яко победоносцы, приемше,/ радуетесь со Ангельскими лики, // с нимиже нас поминайте.

Слава Отцу, и Сыну, и Святому Духу и ныне и присно и во веки веков, аминь.

СЕДАЛЕН БОГОЯВЛЕНИЯ, ГЛАС 4:

Струи освятил еси Иорданския,/ державу сокрушил еси греховную, Христэ Боже наш,/ преклонил еси длани Себе Предтечеве/ и спасл еси от лести человеческий род./ Темже Тя молим: // спаси души наша.

ПЕСНЬ 4

КАНОН ВОСКРЕСНЫЙ, ГЛАС 6:

Ирмос: **Х**ристос моя сила,/ Бог и Господь,/ честная Церковь/ Боголепно поёт, взываючи, // от смысла чиста о Господе празднующи.

Припев: **С**лава, Господи, святому Воскресению Твоему.

Тропарь: **Д**рево процвело есть, Христэ, истинная жизни:/ крест бо водрузился,/ и напоен быв кровию и водою от нетленного Твоего ребра, // живот нам прозябё.

Припев: **С**лава, Господи, святому Воскресению Твоему.

Тропарь: **Н**е кому змий мне ложне обожение подлагает:/ Христос бо богоделатель человеческого естества, // ныне невозбранно стезю животá мне отвёрзе.

Припев: Пресвятая Богородице, спаси нас.

Богородичен: Яко воистинну неизвещанна и непостижима, / яже Твоего боголепного, Богородице, суть рождества, // сущим на земли и на небеси, Приснодево, таинства.

Канон Богородицы воскресный, глас 4:

Припев: Пресвятая Богородице, спаси нас.

Тропарь: Поём, Пречистая, Тебе Всенепорочную, / иже Тобою спасшиися, / и благочестно поюще взываем: // благословенна, яже Бога, Приснодево, рождающая.

Припев: Пресвятая Богородице, спаси нас.

Тропарь: Свет незаходимый, Дево, родила еси, / сущим во тьме жития, / плотию светящ, Всеблаженная, и поощим Тя, // радость, Приснодево, источила еси.

Канон Богоявления, глас 2:

Припев: Слава Тебе, Боже наш, слава Тебе.

Тропарь: Послан от Отца, всесветлое Слово, ноши отгнати зломрачное стремление, / и искоренити грядеши человеков грехи, / сыны же привлещи, Твоим Крещением, Блаже, // светлы от струй Иорданских.

Припев: Слава Тебе, Боже наш, слава Тебе.

Тропарь: Самое провидев нареченное Слово, ясно проповедник вопиет твари: / Сей прежде мене, второй плотию сообразен, // просия Божественною силою враждебный наш отъяти грех.

Припев: Слава Тебе, Боже наш, слава Тебе.

Тропарь: Пажить у Себе животворну нося, уловляет змиев, / гнездам натекая многими сетью, низлагая, Бог Слово, / запинает же уязвившаго всемирный род, // сего потребль, избавляет тварь. *(Дважды)*

Канон мучеников Ермила и Стратоника, глас 8:

Припев: Святые мученицы, молитесь Бога о нас.

Тропарь: Яко Слова служитель, / словеси твоими безсловесное обличил еси, мучениче Ермиле, // неразумие беззаконных, усерднейше.

Припев: Святые Богоотцы, молитесь Бога о нас.

Тропарь: Единое естество Божества, / едину власть и господство, Богомудрии, проповедавшие, // многобожную лесь преобидесте.

Слава Отцу, и Сыну, и Святому Духу.

Тропарь: Повешен, и строган, и ранами озлобляемь, / непреклонен пребыл еси,

страстотѣрпче, // Богомудре мучениче Ермиле.

И ныне и присно и во веки веков, аминь.

Богородицен: Унынием дремлюща и грехом покрываема, // к покаянию мя, Пречистая, яко Слова Мати, воззови.

КАТАВАСИЯ БОГОЯВЛЕНИЯ, ГЛАС 2:

Услышах, Господи, глас Твой, егже рекл еси, / глас вопиющаго в пустыни, / яко возгремел еси над водами многими, / Твоему свидетельствуяй Сыну, / весь быв сошедшаго Духа, возопи: // Ты еси Христос, Божия мудрость и сила.

ПЕСНЬ 5

КАНОН ВОСКРЕСНЫЙ, ГЛАС 6:

Ирмос: Божиим / светом Твоим, Блаже, / утреннующих Ти души / любовью озари, молюся, / Тя ведети, Слове Божий, / истиннаго Бога, // от мрака греховнаго зывающа.

Припев: Слава, Господи, святому Воскресению Твоему.

Тропарь: Уступают мне херувими ныне, / и пламенное оружие, Владыко, плещи мне дает, / Ты видеши, Слове Божий, истиннаго Бога, // разбойнику путь сотворшаго в рай.

Припев: Слава, Господи, святому Воскресению Твоему.

Тропарь: Не ктому боюся, еже в землю, Владыко Христе, возвращения: / Ты бо от земли мя возвел еси забвенна, / благоутробия ради многаго, // к высоте нетления воскресением Твоим.

Припев: Пресвятая Богородице, спаси нас.

Богородицен: Иже Богородицу Ты от души, Владычице мира благая, / исповедающих спаси: / Тебе бо предстательство непоборимое имама, // истинную Богородительницу.

КАНОН БОГОРОДИЦЫ ВОСКРЕСНЫЙ, ГЛАС 4:

Припев: Пресвятая Богородице, спаси нас.

Тропарь: Чистотою возсиявши светло, / Божественное пребывание Владыки, Всепетая, была еси. / Ты бо едина Мати Божия явилася еси, // во объятиих, яко младенца, Сего носивши.

Припев: Пресвятая Богородице, спаси нас.

Тропарь: Носящи доброту умную, краснейшия Твоея души, / Невеста Божия была

есї,/ запечатствована дѣвством, Чїстая,// и свѣтом чистоты мир просвещающе.

КАНОН БОГОЯВЛЕНИЯ, ГЛАС 2:

Припев: **Слава Тебѣ, Божѣ наш, слава Тебе.**

Тропарь: **Вїдев Зиждїтель во мрѣце прегрешенїи пленицами неизбѣжными/ егѣже вообразї персты, поставляет на обою раму, воздвиг горѣ, ныне во многотекущих водах омывая студа дрѣвняго// Адамова злаго нрава. (Дважды)**

Припев: **Слава Тебѣ, Божѣ наш, слава Тебе.**

Тропарь: **Со благочестїем притецем прилежно ко истѣчникум пречїстым теченїя спасительнаго,/ Слово усмотряюще от Нетленныя,/ почерпала приносяще жажди Божественныя,// мїра сладостне исцеляя недуг. (Дважды)**

КАНОН МУЧЕНИКОВ ЕРМІЛА И СТРАТОНІКА, ГЛАС 8:

Припев: **Святїи мученицы, молїте Бѣга о нас.**

Тропарь: **Мук облацы, мученицы всехвальнии, не покрѣша вашего мужества:/ паче солнца бо явїся благочестїя сїянием,// благочестївыя световодящее и дѣмонскїи мрак отъемлющее.**

Припев: **Святїи Богоотцы, молїте Бѣга о нас.**

Тропарь: **Прешѣдше предѣлы чловѣчества, Богоблаженнии,/ и паче естѣственному соединївшесе совершенными чищенїи,// горькїи мукїи и строганїя, и раны претерпѣсте ума твѣрдостїю.**

Слава Отцу, и Сыну, и Святому Духу.

Тропарь: **Крѣпко сопротивился есї, мучениче, судящему, славне Ермїле,/ и глас слышати с Небесѣ, преблаженне, сподобился есї,/ зовущему любовїю приблизитися яко Подвигоположнику// и Сего укрепляющему мученики.**

И ныне и прїсно и во вѣки векѣв, амїнь.

Богородичен: **Яко добра, яко красна, яко чистотою облистаяюще,/ краснаго добротою воплотїла есї Слова и родила есї,/ еже быти всем богодельно, Дѣво Мати,// подающаго богатством благасти.**

КАТАВАСІЯ БОГОЯВЛЕНИЯ, ГЛАС 2:

Иисус, живота Начальник,/ разрешити осужденїе грядет Адама первозданнаго,/ очищенїи же, яко Бог, не требуя,/ падшаго очищает во Иорданѣ,/ в немже вражду убїв,// преимущ всяк ум мир дарует.

ПЕСНЬ 6

КАНОН ВОСКРЕСНЬИ, ГЛАС 6:

Ирмос: **Житѣйское море,/ воздвизаемое зря напастей бурю,/ к тихому**

**приста́нищу Твоему́ прите́к, вопи́ю Ти:/ возведи́ от тли живо́т мой,//
Многоми́лостиве.**

Припев: Сла́ва, Го́споди, свято́му Воскресе́нию Твоему́.

**Тропа́рь: Распина́емь, Влады́ко, гвоздьми́ убо,/ кля́тву ю́же на нас потреби́л еси́:/
копи́ем же пробода́емь в ребро́,// ада́мово рукописа́ние растерза́в, мир
свободи́л еси́.**

Припев: Сла́ва, Го́споди, свято́му Воскресе́нию Твоему́.

**Тропа́рь: Ада́м низведе́ся, ле́стию запя́т быв, ко а́дове про́пасти:/ но и́же есте-
ством Бог же и ми́лостив,/ сшел еси́ на взыска́ние,// и на ра́му понес, со-
воскреси́л еси́.**

Припев: Пресвята́я Богоро́дице, спаси́ нас.

**Богоро́дичен: Пречи́стая Влады́чице,/ рождша́я челове́ком ко́рмчию Го́спода,/ стра-
сте́й мои́х непостоя́нное и лю́тое утоли́ смущэ́ние,// и ти́шину пода́ждь
се́рдцу моему́.**

КАНО́Н БОГОРО́ДИЦЫ ВОСКРЕ́СНЫЙ, ГЛАС 4:

Припев: Пресвята́я Богоро́дице, спаси́ нас.

**Тропа́рь: Вели́кий преднаписа́ во проро́цех Моисе́й Тя,/ ковче́г, и трапе́зу, и
свещник, и ру́чку,/ о́бразно назна́менуя воплоще́ние,// е́же из Тебе́
Вы́шняго, Ма́ти Де́во.**

Припев: Пресвята́я Богоро́дице, спаси́ нас.

**Тропа́рь: Умерщвля́ется смерть, и тле́ние упражня́ется/ Ада́мова осужде́ния, о
Влады́чице!/ Плоду́ Твоему́ прирази́вшееся:/ Жизнь бо роди́ла еси́,// от
истле́ния избавля́ющую пою́щих Тя.**

КАНО́Н БОГОЯВЛЕ́НИЯ, ГЛАС 2:

Припе́в: Сла́ва Тебе́, Бо́же наш, сла́ва Тебе.

**Тропа́рь: От глубинна́го льва, тревече́рний страна́не проро́к во вну́тренних валя́ясь,
а́бие произы́де, пакибы́тия спасэ́ние// от зми́я человекоуби́йцы всем предъ-
явля́я в послéдняя лéта. *(Два́жды)***

Припе́в: Сла́ва Тебе́, Бо́же наш, сла́ва Тебе.

**Тропа́рь: Отве́рсту Не́бу все́светлых писа́ний, учени́к зрит от Отца́ посыла́емый,
пребыва́ющ же Дух на Пречи́стем Сло́ве,/ нашэд́ яко го́лубь неизрече́нным
о́бразом,// лю́дем же явля́ется, прише́дшим ко Влады́це. *(Два́жды)***

КАНО́Н МУ́ЧЕНИКОВ ЕРМИ́ЛА И СТРАТОНИ́КА, ГЛАС 8:

Припев: **Святїи мученицы, молїте Бѡга о нас.**

Тропарь: **Вод животворных исполнившеса, в речнїя ввержени бѣсте струї/ и, в них приѣмше кончину, злѡбы предстателя удаviste, всехвальнии, // и ныне нам исцелений потоки источаете.**

Припев: **Святїи Богоотцы, молїте Бѡга о нас.**

Тропарь: **В кошницу ввержени бѣвше, усердно предастеса глубинѣ, страстотерпцы,/ и к жизни вознесостеса Божественней,/ яже от века вами надеемая обретше радостно, // велемудрии святїи мученицы.**

Слава Отцу, и Сыну, и Святому Духу.

Тропарь: **Явился еси, в горцей муче мучимь и палицами биемь, Стратониче мучениче,/ терпения неборимь столп, возвышен степенем веры, // сопротивление гонителей потребляя и словесы и деяньми.**

И ныне и присно и во веки веков, аминь.

Богородичен: **Страсти немощныя души моея, и болѣзнь сердца, Дѣво,/ и ума преложения многообразная, яко милостива, Пресвятая, исцели // и утѣши лютое зол моих волнение, молюся.**

КАТАВАСІЯ БОГОЯВЛЕНІЯ, ГЛАС 2:

Глас Словесѣ, свѣтїльник Свѣта,/ денница Сѡлнца, Предтеча в пустыни,/ – покайтесь! – всем вопїет людем, – и предпочїстїтеса:/ се бо предстоїт Христѡс, // от тли мир избавляяй.

ЕКТЕНІЯ МАЛАЯ...

КОНДАК ВОСКРЕСНЬИ, ГЛАС 6:

Живоначальною дланію/ умершия от мрачных удолий,/ Жизнодавец воскресив всех Христѡс Бог,/ воскресение подаде человеческому роду:/ есть бо всех Спаситель, // Воскресение и Живѡт, и Бог всех.

ИКОС:

Крест и погребение Твое, Жизнодавче, воспеваем вернии, и поклоняемся,/ яко ад связал еси, Безсмертне, яко Бог всесильный:/ и мертвыя совоскресил еси, и врата смертная сокрушил еси,/ и державу адову низложил еси, яко Бог./ Темже земнороднии славословим Тя любовию, воскресшаго,/ и низложившаго вражїю державу всепагубную,/ и всех воскресившаго в Тя веровавших,/ и мир избавльшаго от стрел змїйных, // и от прелести вражїя, яко Бог всех.

ПЕСНЬ 7

КАНО́Н ВОСКРЕ́СНЫЙ, ГЛАС 6:

Ирмо́с: **Росода́тельну́ у́бо пещь/ соде́ла А́нгел/ преподо́бным отроко́м,/ халде́и же опаля́ющее/ веление́ Бо́жие/ мучи́теля увеща́ вопи́ти:// благослове́н еси́, Бо́же оте́ц на́ших.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Рыда́ющее во стра́сти Твое́й со́лнце, во мрак облече́ся,/ и во дни по всей, Влады́ко, земли́ свет поме́рче, вопи́я:// благослове́н еси́ Бо́же оте́ц на́ших.**

Припев: **Сла́ва, Го́споди, свято́му Воскресе́нию Твоему́.**

Тропа́рь: **Облеко́шася Христе́ схожде́нием Твои́м во свет преиспо́дня,/ праоте́ц же весе́лия испо́лнь, яви́ся ликовству́я, взыгра́ся, вопи́я:// благослове́н еси́, Бо́же оте́ц на́ших.**

Припев: **Пресвята́я Богоро́дице, спаси́ нас.**

Богоро́дичен: **Тобо́ю, Ма́ти Де́во,/ свет возсия́ всей вселе́нней све́тлый:/ Зижди́теля бо Ты всех родила́ еси́ Бо́га,/ Его́же проси́, Всечи́стая,// нам низпосла́ти ве́рным ве́лию ми́лость.**

КАНО́Н БОГОРО́ДИЦЫ ВОСКРЕ́СНЫЙ, ГЛАС 4:

Припев: **Пресвята́я Богоро́дице, спаси́ нас.**

Тропа́рь: **Ю́нош триех пещь не опали́, рождество́ прообразу́ющих Твое́:/ божественный бо огонь Тебе́ не опали́в, всели́ся в Тя,/ и вся научи́ вопи́ти:// благослове́н еси́, Бо́же отец на́ших.**

Припев: **Пресвята́я Богоро́дице, спаси́ нас.**

Тропа́рь: **Блажа́т концы́ Тя, Всечи́стая Ма́ти, я́коже прорекла́ еси́,/ просвеща́еми светолу́чными сия́ньми Твои́ми,/ и благода́тию пою́ще, вопи́ют:// благо-словен еси́, Бо́же отец на́ших.**

КАНО́Н БОГОЯВЛÉНИЯ, ГЛАС 2:

Припе́в: **Сла́ва Тебе́, Бо́же наш, сла́ва Тебе́.**

Тропа́рь: **Тебе́ живопису́ющий асси́рийский пла́мень ужа́сен поставля́еши, в рóсу преведен;/ те́мже вода́ ны́не, я́коже пла́мень, одева́яй, вредную́ зло́бу, Христе́, прикровенную́ опаля́ет,// от поползнове́нных стези́ призыва́ющи.**
(Дважды)

Припе́в: **Сла́ва Тебе́, Бо́же наш, сла́ва Тебе́.**

Тропа́рь: **Разде́льшуся Иорда́ну дре́вле, по су́ху прехо́дят лю́дие Изра́ильстии,/**

Тебѣ, Державнейшаго, содержаща тварь некоснительне, // ныне в водах написующии, к нетленней и полезней стези.

Припев: **Слава Тебѣ, Божѣ наш, слава Тебе.**

Тропарь: **Вѣмы, первее всепагубный потоп / милостивно Тя всех во тлю привести, / о, тревеликия сотворяя и странная! // Ныне же потоплыша, Христѣ, грех за благосердие и человеческое спасение.**

КАНОН МУЧЕНИКОВ ЕРМИЛА И СТРАТОНИКА, ГЛАС 8:

Припев: **Святѣи мученицы, молите Бога о нас.**

Тропарь: **Течаше медоточное от уст твоих слово, / горесть уныния Стратоника, твоего сострадальца, укрощающее, вопиющаго, Ермиле: // Божѣ, благословен еси.**

Припев: **Святѣи Богоотцы, молите Бога о нас.**

Тропарь: **Жезл силы держа, спасительный крест, доблий мучениче, / жезлом биения терпши усердно, воспевая Творцу твоему, Ермиле: // Божѣ, благословен еси.**

Слава Отцу, и Сыну, и Святому Духу.

Тропарь: **Спасый от чрева китова содержамаго пророка преславно // от речных вод ваша спасает победоносныя мочи по кончине, страдальцы.**

И ныне и присно и во веки веков, аминь.

Богородичен: **Разрешая Евину клятву, во Всенепорочную вселился еси Деву, / благословения источники источая вопиющим: // благословен еси, Господи Божѣ, во веки.**

КАТАВАСИЯ БОГОЯВЛЕНИЯ, ГЛАС 2:

Юноши благочестивыя, печи огненной приобщившия, / шумящ дух росный невредимы сохрани / и Божия Ангела снизхождение. / Темже, в пламени орошаеми, благодарственно воспеваху: // препетый отец Господи и Божѣ, благословен еси.

ПЕСНЬ 8

КАНОН ВОСКРЕСНЫЙ, ГЛАС 6:

Ирмос: **Из пламене преподобным росу источил еси, / и праведнаго жертву водою попалил еси: / вся бо твориши, Христѣ, токмо еже хотети. // Тя превозносим во вся веки.**

Припев: **Слава, Господи, святому Воскресению Твоему.**

Тропарь: **Иудейския древле прокоубийцы люди, / богоубийцы зависть ныне**

содѣла,/ Тебѣ на крест вознѣсшия, Сло́ве Божий:// Егѡже превозно́сим во
вся вѣки.

Припев: **Сла́ва, Го́споди, свято́му Воскресѣ́нию Твоему́.**

Тропа́рь: **Небе́снаго кру́га не оста́вил еси́,/ и во ад соше́д, всего́ совоздвѣгл еси́/
лежа́щаго во гно́ищи, Христѣ́, челове́ка,// Тя превозно́сяща во вся вѣки.**

Припев: **Пресвята́я Богоро́дице, спаси́ нас.**

Богоро́дичен: **От Свѣта Светода́вца Сло́ва зачала́ еси́,/ и ро́ждши неизрече́нно Сего́,
просла́вилася еси́:/ Дух бо в Тя, Отрокови́це, Божий всели́ся.// Тѣмже Тя
поѣм во вся вѣки.**

КАНО́Н БОГОРО́ДИЦЫ ВОСКРЕ́СНЫЙ, ГЛАС 4:

Припев: **Пресвята́я Богоро́дице, спаси́ нас.**

Тропа́рь: **Позлаще́ною ри́зою, я́коже Цари́цу, Сын Твой просвети́в заре́ю Ду́ха,/
Тебе́ одесну́ю Себе́ поста́ви, Пречи́стая:// Егѡже превозно́сим во вся вѣки.**

Припев: **Пресвята́я Богоро́дице, спаси́ нас.**

Тропа́рь: **И́же хотѣнием еди́ным мир водрузи́вый,/ от пречи́стыя Твоея́ утробы́
плоть взѣмлет,/ свѣ́ше сию́ назда́ти хотя́:// Егѡже превозно́сим во вся вѣки.**

КАНО́Н БОГОЯВЛѢ́НИЯ, ГЛАС 2:

Припе́в: **Сла́ва Тебе́, Бо́же наш, сла́ва Тебе́.**

Тропа́рь: **Три́е Богови́днии, во огни́ ороша́еми, озаря́ющесея тремѣ́ всесвѣ́тле свя-
ты́нями,/ я́ве показова́ху Превѣ́шнее Естество́ смешѣ́нием челове́ческим,//
огнепаля́щее росѡ́ю ми́лостивно вся́ку па́губную леть. *(Дважды)***

Припе́в: **Сла́ва Тебе́, Бо́же наш, сла́ва Тебе́.**

Тропа́рь: **Да убелѣ́тся вся́кое земно́е естество́,/ от падѣ́ния ны́не на Не́бо возво-
ди́мо,/ И́мже бо вся соблюда́ются, Сло́вом, теку́щими струя́ми омѣ́вшесея,//
прегреше́ний пре́жних убе́же, пресвѣ́тло измовѣ́но. *(Дважды)***

КАНО́Н МУ́ЧЕНИКОВ ЕРМИ́ЛА И СТРАТО́НИКА, ГЛАС 8:

Припев: **Святы́и му́ченицы, моли́те Бо́га о нас.**

Тропа́рь: **Терпи́ши, би́еми и лю́те стру́жемь, сло́тами¹ болѣ́зней окружа́емь,
сла́вный Ерми́ле,/ Стратони́ка же наста́вник ко благоче́стия подви́гом был
еси́,/ с ны́мже и вопи́ял еси́:// священни́цы, благослови́те, лю́дие, превоз-
но́сите Го́спода во вѣки.**

Припев: **Святы́и Богоотцы́, моли́те Бо́га о нас.**

¹ *Сло́тами = нена́стьем, непого́дой*

Тропарь: Непрекльбннии мудровáнием, и дóблии страдáнием,/ и Небéсных дарóв достóйнии, кáмение честнóе и вёрных предстóлпия,/ кáмению, повелéни бýвше, не принесóша чéсти,/ Бóгу же всех вопиáху, Владыце:// лю́дие, превозносите Егó во вéки.

Благословím Отца́, и Сы́на, и Свята́го Дýха, Гóспода.

Тропарь: Твоя́ рéбра ноготъмí стружá мучитель/ и мечí немýлостивно ссекáя тя, умá не украде, укреплéна Божéственною любóвию/ и Избáвителя насмотря́юща добрóту./ Емýже ны́не со дерзновéнием предсто́я, взыва́еши:// лю́дие, превозносите Гóспода во вéки.

И ны́не и прísно и во вéки векóв, амíнь.

Богорóдичен: Сый, по всемý совершён и естество́м Непрису́пный,/ явísся присту́пен мне, плóтию обложён из Тебé, Неискусобра́чная,/ Егóже прилéжно моли́ беззакóний мо́их брéмя расточíти и спасти́ песнопóюща:/ священни́цы, благословíte, // лю́дие, превозносите Гóспода во вéки.

КАТАВА́СИЯ БОГОЯВЛÉНИЯ, ГЛАС 2:

Хва́лим, благословím, покланя́емся Гóсподеви, // пою́ще и превозно́сюще во вся вéки.

Та́йну пресла́вную вавилóнская показа́ печь,/ источíвшая рóсу,/ я́ко струя́ми имяше невещéственный Огнь восприя́ти Иорда́н/ и объ́яти плóтию крещáема Зиждíтеля, // Егóже благословя́т лю́дие и превозно́сят во вся вéки.

Диакон: Богорóдицу и Ма́терь Свéта в пéснях возвели́чим.

ПЕСНЬ ПРЕСВЯТО́Й БОГОРÓДИЦЫ:

Хор: Вели́чит душá Моя́ Гóспода,/ и возра́довася дух Мой о Бóзе Спа́се Моём.
Честнéйшую Херувím/ и Сла́внейшую без сравнéния Серафím,/ без ислéния Бóга Сло́ва рóждшую,/ сýщую Богорóдицу, Тя велича́ем.

Я́ко призре́ на смире́ние рабы́ Своея́,/ се бо от ны́не ублажа́т Мя вси рóди.

Честнéйшую...

Я́ко сотвори́ Мне вели́чие Сíльный,/ и свя́то Ё́мя Егó, и мýлость Егó в рóды родóв боя́щимся Егó.

Честнéйшую...

Сотвори́ держа́ву мýшцею Своёю,/ расточи́ гóрдья мýслию сёрдца их.

Честнéйшую...

Низложи́ сýльныя со престóл, и вознесе́ смире́нныя;/ álчущия испóлни благ, и богатя́щияся отпусти́ тщи.

Честнейшую...

Восприят Израиля отрока Своего, помянути милости,/ якоже глагола ко отцем нашим, Аврааму и семени его, даже до века.

Честнейшую...

ПЕСНЬ 9

КАНОН ВОСКРЕСНЫЙ, ГЛАС 6:

Ирмос: **Бога/ человеком не возможно видети,/ на Него же не смеют чини Ангельстии взирати;/ Тобю бо, Всечыстая, явися человеком/ Слово воплощено,/ Его же величающе,/ с Небесными вои// Тя ублажаем.**

Припев: **Слава, Господи, святому Воскресению Твоему.**

Тропарь: **Страстей непричастен Ты пребыл еси, Слове Божий,/ плотию приобретився страстем:/ но решиши от страстей человека,/ страстем быв страсть, Спасе наш:// един бо еси безстрастен, и всесильен.**

Припев: **Слава, Господи, святому Воскресению Твоему.**

Тропарь: **Тлю смертную прием, тления соблюл еси тело Твое невкусно,/ Твоя же животворящая и божественная, Владыко, душа, во аде не оставлена бысть:// но якоже от сна воскрес, нас совоздвигл еси.**

Припев: **Пресвятая Троице, Боже наш, слава Тебе.**

Троичен: **Бога Отца, Сына собезначальна,/ вси человецы устнами убо чистыми славим,/ неизреченную же и преславную Духа Всесвятаго силу чтим:// едина бо еси всесильная Троица неразлучная.**

КАНОН БОГОРОДИЦЫ ВОСКРЕСНЫЙ, ГЛАС 4:

Припев: **Пресвятая Богородице, спаси нас.**

Тропарь: **Звезда сияющи зарями Божества от Иакова,/ от мрака содержимым возсия:/ Тобю бо, Всечыстая, Христос Бог Слово воплощено:// Имже просвещаеми, с небесными вои Тя ублажаем.**

Припев: **Пресвятая Богородице, спаси нас.**

Тропарь: **Укреплься силою Твоею и благодатию,/ Тебе песнь усердно от сердца возложих:/ но сию приими, Дево Чыстая,/ благодать воздающи Твою многосветлую,// от нетленных сокровищ, богоблаженная.**

КАНОН БОГОЯВЛЕНИЯ, ГЛАС 2:

Припев: **Слава Тебе, Боже наш, слава Тебе.**

Тропарь: **Уведехом Моисею купиною явленная, гряди, странными уставами со-**

дѣланная:/ яко бо спасѣся, Огнь носящи, Дѣва, Светонѡсна рѡждши Благодѣтеля, // во Иорданских же струях явлѣнна. *(Дважды)*

Припѣв: **Слѡва Тебѣ, Бѡже наш, слѡва Тебе.**

Тропарь: **Помазѹеши, совершѡя челоуѣческое сущестуѡ, Царю Безначальне,/ Духа общеніем, струями чистыми отмыв/ и тьмы крепость же посрамль возвышенную, // ныне в безпрестаннем воздати житий. *(Дважды)***

КАНОН МУЧЕНИКОВ ЕРМИЛА И СТРАТОНИКА, ГЛАС 8:

Припев: **Святїи мученицы, молїте Бѡга о нас.**

Тропарь: **Вѣтрилом, мученицы Христовы, мук преплывше пучину,/ устремїтеся ко пристанищем покоя, идеже мучеников лики, праведных собори, // идеже незаходимый Свет и радость празднующих в Дусе.**

Припев: **Святїи Богоотцы, молїте Бѡга о нас.**

Тропарь: **Днесь память священную страдания вашего, всеблаженнии,/ Церковь Христова совершаючи,/ празднует радостный и светоносный праздник, Бѡга величаючи, Венцедавца вашего, // величающаго вас яко угѡдники.**

Слѡва Отцу, и Сыну, и Святому Духу.

Тропарь: **Взїтеся к пресветлей свідѣтельства истинно высотѣ, святїи,/ и восприйте желанія край,/ истинно, блаженнии, Царствие Бѡжие приѣмше недвижимое, // мучениче Стратониче с Ермїлом мудрым и Богоразумным.**

И ныне и присно и во веки веков, аминь.

Богородичен: **Пощади мя, Спасе, рождѣйся и сохранивый Рѡждшую Тя нетленну по рождествѣ,/ егда сядеши судити дела моя,/ беззакония презирая и грехи моя, яко Безгрѣшен, // яко Бог Милостив и Человеколюбец.**

КАТАВАСІЯ БОГОЯВЛЕНІЯ, ГЛАС 2:

Недоумѣет всяк языкъ благохвалити по достоянїю,/ изумевает же ум и премірный пѣти Тя, Богородице,/ обаче, Благая сущи, веру приимї,/ ибо любовь веси Божественную нашу: // Ты бо христиан еси Предстательница, Тя величаем.

ЕКТЕНИЯ МАЛАЯ...

Диакон: **Свят Господь Бог наш...**

ЕКСАПОСТИЛАРИЙ ВОСКРЕСНЫЙ ДЕВЯТЫЙ:

Заклученным Владыко двѣрем, яко вшел еси,/ Апостолы исполнил еси

Духа Пресвятаго, мирно дунув,/ їмже вязати же и решати грехи рекл еси:/
и по осми днх Твоя ребра Фоме показал еси, и рuce./ С нимже вопием://
Господь и Бог Ты еси.

Слава Отцу и Сыну и Святому Духу и ныне и присно и во веки веков. Аминь.

СВЕТИЛЕН БОГОЯВЛЕНИЯ:

Света незаходимаго бысть настоящий день:/ Христос бо Истина прииде
ныне и явися./ Псалмы Того достойно и песнями воспойм, яко Содетеля же
и Владыку./ О, новаго таинства!// Адамов Творец волею Человек явися.